

Vèya dou patê a Ekuviyin

Autor(en): **[s.n.]**

Objektyp: **Article**

Zeitschrift: **L'ami du patois : trimestriel romand**

Band (Jahr): **26 (1998)**

Heft 104

PDF erstellt am: **23.09.2024**


Persistenter Link: <https://doi.org/10.5169/seals-244013>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Pages fribourgeoises



VÈYA DOUPATÈ A EKUVIYIN

Le dechando né trè d'oktôbre, na bala kobya dè patêjan dou dichtri d'la Charna è lou j'èmi chè chon rètrovâ ou kabarè dè pèrotse a Ekuviyin pâ pachâ la vèya, na kothema ke dâtè du on pâr dè j'an. Chti an, l'è le komité d'Intrè no dè Friboua ke l'avi le pochyin dè chin organijâ. Ha vèya l'è inkotya a tsandzo pè le Triolè dou Mourè è Intrè no dè Friboua.

Du lè chalutachyon è lè prèjintachyon dou prèjidan. No j'an j'à le piéji d'oure le kâ d'la pèrotse d'Ekuviyin. Lè balè vouê di grahyàjè è di tsantre l'an rèdzoyi lè j'oroyè lè pe fènè. Din la châla, to le mondo irè tyé po lè j'akutâ. Tyinta tsanthe por no, d'ithre dinche gâto in tsanthon. D'ayeu, no j'an j'à le piéji d'lè j'oure on chèkon kou, du le lotô.

Nouthron piti lotô a la viye mouda, tyirâ in patè è rèpètâ in franché, bin chur pâ in aleman, l'a bin demorâ lè dzuyâ, mimamin ch'l'an pâ gânyi di grô pri. Nyon l'a volu krouvâ le nonan-t'è nâ ke Djan-Marc l'a portan krânamin chayê chin bèthèyi.

La komèdiya " Ha mâr dè bouratyère ", in dou j'akte, no j'a fè pachâ on galéja vouërba. Lè trè grahyàjè k'l'an dzuyète in patè gruèrin è d'la pyanna no j'an rèdzoyi.

L'è l'ichtoare d'on n'omo ke trovâvè ke l'y avi rin fôta dè télévijyon a la méjon è cha fèna chavé pâ mé tyè fère por arouvâ a le déchidâ. Ma, fô pâ oubyâ ke din ti lè ka, on travè kokon po bayi on kou dè man. Čha vejena, ke l'è vinyète on du midzou, bère on kâfé, l'y a de ke dèveché pâ chè dèkoradji. Li fayi vèyi le bon momin, li fère na bouna mouâcha a medyj, l'anyatâ è le kajolâ. Dè ha fathon, l'è chur ke chèdèrè on kou.

L'afère l'a fèrmo bin dzuyè, ma kotyè tin apri n'in d'a ouna k'chin rèpinti dza pèchke che n'omo chè pyantâvè dèvan cha bouratyère totè lè vèyè è oubyâvè mimamin d'alâ dremi.

Ha pithe l'è j'ou konpojâye pè Antonie Zamofing-Dzatyè, na fiye d'Ethavanin ke chàbrè a Poju è Jacqueline Galè d'Ekuviyin. L'è j'ou dzuyète pè Pè Antonie Zamofing, la fèna, Danielle Fâvre, la vejena è Jacqueline Galè, l'omo, Milon. Fô fèlichitâ hou fèmalè ke tsèvanthon dinche bin le patè.

La vèya l'a fournè in mijuka. L'è Antoine Portmann k'irè a la bachtringa. A l'an kevin.

Le prèjidan d'Intrè no



CHAQUE CHOSE A SA PLACE !....

Parue dans "Au fil de la Trême" après les "Retrouvailles", journée historique de 1992 où nous avons tâché de réunir toutes les personnes qui avaient "usé leur fond de culotte sur les bancs de l'école de la Tour de Trême". Appel partout, même par voie diplomatique, succès immense !

Histoire de montrer que La Tour de Trême est un village authentique et non pas un dortoir ou une banlieue de Bulle !

Ancienne petite ville, châtelainie et poste avancé du comté de Gruyère, La Tour de Trême était gruyérienne depuis des siècles alors que Bulle appartenait à l'Evêché de Lausanne !